



Broj: 01-50-3-370-7/18
Sarajevo, 14.11.2018. godine

Predsjednica Konkurencijskog vijeća Bosne i Hercegovine, na osnovu člana 70. stav (4), člana 69. stav (2) tačka c) u vezi sa članom 88. Zakona o javnim nabavkama Bosne i Hercegovine („Službeni glasnik BiH“, broj 39/14) je donijela

ODLUKU

o poništenju postupka javne nabavke usluga- nabavka avio karata

1. Poništava se postupak javne nabavke usluga - nabavka avio karata, pokrenut putem konkurentskog zahtjeva za dostavu ponuda, objavljenog Obavještenjem o javnoj nabavci broj: 432-7-2-20-3-1/18 dana 22.10.2018. godine.
2. Ova Odluka stupa na snagu danom donošenja i bit će objavljena na internet stranici Konkurencijskog vijeća Bosne i Hercegovine.

Obrazloženje

Konkurencijsko vijeće Bosne i Hercegovine (u daljem tekstu: Konkurencijsko vijeće) je na osnovu Odluke o nabavci broj: 01-50-3-370-1/18 od 19.10.2018. godine, objavilo konkurentski zahtjev za dostavu ponuda za nabavku avionskih karata u sistemu e-nabavke.

U vezi sa navedenim, dana 22.10.2018. godine, je na portalu javnih nabavki objavljeno Obavještenje o nabavci broj: 432-7-2-20-3-1/18.

Rok za prijem ponuda je bio 12.11.2018. godine do 13:00 sati.

Na adresu Konkurencijskog vijeća su u ostavljenom roku pristigle dvije ponude kako slijedi:

- 1) **RELAX Tours d.o.o. Sarajevo, zaprimljena dana 12.11.2018. god u 9:30 sati i**
- 2) **Centrotrans –eurolines d.d. Sarajevo, zaprimljena dana 12.11.2018. god u 11:28 sati.**

Izvan ostavljenog roka zaprimljena je jedna ponuda i to:

- 1) **Mrkulić company d.o.o. Sarajevo, zaprimljena dana 12.11.2018. god u 13:20 sati.**

Konkurencijsko vijeće je u skladu s članom 32. stav (4) Zakona o javnim nabavkama („Službeni glasnik BiH“, broj 39/14-u daljem tekstu: Zakon o javnim nabavkama), predvidjelo u predmetnom postupku nabavke, zaključivanje okvirnog sporazuma sa tri ponuđača. Obzirom da su blagovremeno zaprimljene samo dvije ponude, Konkurencijsko vijeće je postupajući u skladu sa članom 69. stav (2) tačka c) Zakona o javnim nabavkama, odlučilo kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom.

Predsjednica

Adisa Begić



Dostaviti:

- RELAX Tours d.o.o. Sarajevo, Alekse Šantića broj 5, 71000 Sarajevo;
- Centrotans –eurolines d.d. Sarajevo, Kurta Schorka 14, 71000 Sarajevo;
- Mrkulić company d.o.o. Sarajevo, Dr. Mustafe Pintola br. 23, 71000 Sarajevo;
- Predsjedniku Komisije za javne nabavke;
- Računovodstvu i
- a/a.